

**MINUTES OF A MEETING OF THE IS-BWYLLGOR DEDDF TRWYDDEDU 2003 (B) HELD HYBRID YN SIAMBR Y CYNGOR - SWYDDFEYDD
DINESIG, STRYD YR ANGEL, PEN-Y-BONT AR OGWR, CF31 4WB ON DYDD MERCHER, 8 EBRILL 2026 AT 10:00**

Presenol

Cynghorwyr

S Easterbrook
RM James

Presennol yn Rhithwir

H Bennett

Swyddogion:

MA Galvin	Uwch Swyddog y Gwasanaethau Democrataidd – Pwyllgorau
S Pitchford	Swyddog Cyfreithiol
Y Witchell	Uwch Swyddog Trwyddedu
M Pitman	Swyddog y Gwasanaethau Democrataidd – Technegol

Gwahoddedigion

S Yavuz (yn cael ei gynrychioli gan S Uddin, Cyfreithiwr)
G Farnham, Swyddog Gorfodi Mewnffudo, Y Swyddfa Gartref

Penodi Cadeirydd

Yn absenoldeb y Cadeirydd, y Cynghorydd R Williams, cynigiwyd bod y Cynghorydd Bennett yn cadeirio'r cyfarfod ac eiliwyd hynny.

This document is available in Welsh / Mae'r ddogfen hon ar gael yn Gymraeg

96. Ymddiheuriadau am absenoldeb

Decision Made	Derbyniwyd ymddiheuriad oddi wrth y Cyngorydd R Williams.
Date Decision Made	8 Ebrill 2026

97. Datganiadau o fuddiant

Decision Made	Dim.
Date Decision Made	8 Ebrill 2026

**98. Adolygiad o Drwydded Safle ar gyfer USA Chicken, Pizza & Kebabs, 25
Talbot Street, Maesteg, Pen-y-bont ar Ogwr, CF34 9DW**

Decision Made	Cyflwynodd yr Uwch Swyddog – Trwyddedu adroddiad fel y gallai'r aelodau benderfynu ar gais i adolygu trwydded safle yn gysylltiedig â'r safle uchod. Cyflwynwyd y cais gan y Swyddfa Gartref. Yn dilyn amlinellu'r cais er budd yr aelodau, gwnaeth Cwnsler deiliad y drwydded gais i ohirio'r gwrandawriad ar y sail canlynol. a. Siaradwyr Twrceg brodorol oedd deiliad y drwydded a rheolwr y safle. Felly, roedd arnynt angen cyfieithydd i gymryd rhan yn y trafodaethau mewn modd priodol a theg. Roedd y cais am adolygiad yn gais difrifol, gan y gallai arwain at ddirymu trwydded y safle. Byddai symud ymlaen heb gyfieithydd yn rhagfarnu yn erbyn deiliad y drwydded a byddai'n achos cywilydd proffesiynol i gwnsler a chyfreithiwr deiliad y drwydded. b. Awgrymodd cwnsler deiliad y drwydded na fyddai gohirio'r gwrandawriad yn rhagfarnu yn erbyn y Swyddfa Gartref oherwydd bod y camymddwyn y cwynwyd yn ei gylch, sef cyflogi anghyfreithlon, yn rhywbeth hanesyddol ynghyd â'r ffaith fod y mater wedi bod yn mynd ymlaen ers peth amser.
---------------	---

	c. O ganlyniad i gamgyfathrebu, nid oedd rheolwr y safle yn bresennol. Ystyrid bod ei bresenoldeb yn hanfodol i ddeiliad y drwydded fedru ymateb i'r cais am adolygiad. Dywedodd y Cwnsler y gallai'r cyfreithwyr, oedd yn ei gyfarwyddo, drefnu cyfieithydd Twrcaidd o fewn 14 diwrnod. Felly, ni ddylai unrhyw ohiriad fod yn hwy na hynny o amser. Pan ofynnwyd iddo, gwrthwynebodd cynrychiolydd y Swyddfa Gartref y cais i ohirio ar sail y ffaith fod y mater hwn wedi cael ei ohirio eisoes fis ynghynt. Fodd bynnag, nid oedd yn gwrthwynebu sylwedd cyflwyniadau'r Cwnsler. Felly, cytunodd yr is-bwyllgor i ymneilltuo er mwyn trafod gyda swyddog cyfreithiol y Cyngor. Cytunodd yr is-bwyllgor ymhellach na allai deiliad y drwydded ddeall y trafodaethau na chymryd rhan yn iawn yn y cyfarfod heb gyfieithydd, ac y byddai symud ymlaen heb gyfieithydd yn bresennol yn rhagfarnu'n annheg yn ei erbyn. Yn ei chais ysgrifenedig, roedd y Swyddfa Gartref wedi gofyn i'r is-bwyllgor ystyried dirymu'r drwydded o ddifrif. Felly, roedd yn gais gyda chanlyniadau difrifol posibl i ddeiliad y drwydded a rheolwr y safle. Roedd cyfiawnder naturiol yn ei gwneud yn ofynnol iddo allu deall ac ymateb i'r cais yn ei erbyn. Byr oedd y cyfnod gohirio y gofynnwyd amdano a hanesyddol oedd yr honiadau, heb unrhyw honiadau o weithgarwch anghyfreithlon yn parhau ar y safle. Felly, ychydig iawn o ragfarn oedd yn erbyn y Swyddfa Gartref o ohirio'r cyfarfod am gyfnod cymharol fyr, a dim perygl i'r cyhoedd. PENDERFYNWYD: Bod yr is-bwyllgor yn cytuno i ohirio'r gwrandawriad am 14 diwrnod ac y câi'r cyfarfod a ailgynnullid ei gynnal o bell.
Date Decision Made	8 Ebrill 2026

The meeting closed at 11:00.